

Abel Iriondo dantzaria omenduko dute ekainaren 11n

anboto.org/durango/1653486306414-abel-iriondo-omenduko-dute-ekainaren-11n

anboto@anboto.org



Dantza kidea "patxadaz" agurtzeko omenaldia antolatu du Aiko dantza taldeak ekainaren 11rako. "Behar eta merezi dugu dantzara bueltatzea, eta horrekin batera, bere egunean agindu genuen bezala, Abel Iriondo gure lagun kutunari patxadaz agur esatea, gure omenaldi zintzoena adieraztea eta berarekin kantatzea eta dantzatzea".

Egunari hasiera emateko, soka dantza eta dantzapoteoa egingo dituzte Ezkurdi plazan hasita, txistulari, trikitixa eta gaiteruekin. Ostean, 15:00etan, bazkari herrikoia egingo dute Andra Mari elizpean. "Plateruena itxita dugunez, bertan egingo ditugu bazkaria eta osteko egitaraua", azaldu dute. 16:00etan 'Abel gogoan' ekitaldia egingo dute, eta ostean, Miren, Roberto Etxebarria eta Idoia Markaidaren, Bizkaiko Gaiteroen eta Aiko taldearen emanaldiak egongo dira. 22:00etan emango diote amaiera omenaldiari, Manolo Escobarren 'Mi carro' abestiagaz.

Bazkarian parte hartzeko, 30 euroko ordainketa egin beharko da ES85 2095 0233 10 9109943783 zenbakira (Aiko kultur elkarte da titularra), izen abizena emanaz; bestela, Saltsanen erosi daitezke txartelak, prezio berdinean.

Durangon azken bi hamarkadak

Abel Iriondo iazko abuztuan hil zen bihotzekoak jota. Elgoibarren (Gipuzkoa) sortua, bi hamarkada baino gehiago zeramatzan Durangon bizitzen. Kriskitin eta Aiko dantza taldeegaz aritu da dantzan; irakasle lez ere aritzen zen.

Kultura Durango

Durangaldeko albiste garrantzitsuak eta azken ordukoak Whatsapp edo Telegram bitartez jaso gura dituzu? Hauek dira bi aukerak.

WHATSAPP: Bidali **ALTA 688 635 041** telefono zenbakira.

TELEGRAM: Batu zaituz @anbotokomunikabideak kanalera.